



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnium Generalium Et Provincialium Collectio Regia

Ab anno MCXVIII. ad annum MCLXXIX.

Parisiis, 1644

VII. Non debet archidiaconus praebenda carere in ecclesia, in qua est archidiaconus.

urn:nbn:de:hbz:466:1-15588

ANNO
CHRISTI
1179.

vicariam ecclesie de Buruuelle, a qua 29. annis retrocessit, in diuersis postea ecclesiis personatum adeptus, multipliciter vexare ac fatigare presumat. Quia igitur non est canonicum, vt qui curam animarum in diuersis habet ecclesiis, fiat vicarius in alienis, discretioni tuæ, &c. quatenus rei veritate diligenter inquisita, si ita esse noueris, predictum presbyterum a petitione predictæ vicariæ desistere, appellatione & occasione remota, districtius compellatis: non obstantibus literis, si quas tacita veritate per nuntium aliquem a nobis impetrauit: extirpari enim debent, quæ de auaritiæ radice procedunt, & Canonum sunt contraria sanctioni.

CAP. VI. *Idem Eboracensi archiepiscopo.*

Fraternitati tuæ duximus respondendum, vt si clerici qui in ecclesiis tuæ iurisdictionis beneficia sunt adepti, ad aliam diocesim absque tua conscientia & assensu morandi causâ transferint, beneficii quæ a te habuerint, liceat tibi eos spoliare, nisi forte disciplinis scholasticis inuigilauerint, aut causam rationabilem tibi ostenderint, quare reuerti non debeant. Præterea clericos alterius diocesis absque literis commendatitiis episcopi sui, nisi pro eis preces aut mandata sedis apostolicæ receperis, non teneris nec etiam debes recipere.

*f. Lincolniensis

CAP. VII. *Idem G.* Nincolnensi electo.*

De multa liberalitate credimus prouenisse, quod dilectus filius noster S. archidiaconus de Norhantuna, præbendam, quam habebat in ecclesia tibi commissâ, libere tibi concessit, vt eam dilecto filio G. nepoti vestro conferres. *Et infra:* Quoniam igitur nulla ratione sustinere possumus, vt memoratus archidiaconus dispendium patiat, unde gratiam tuam & nostram meruit obtinere, vbi ius præbendæ suæ cesserit G. vt vestram possit perficere voluntatem: fraternitati tuæ, &c. *vt supra:* Cum rationi & ecclesiasticæ institutioni contrarium sit, vt archidiaconus præbenda careat in ecclesia, cui noscitur in archidiaconatus officio deseruire, non honestum sit tibi, promissionem tuam tam honestam reuocare.

Oooo iij